

ELEKTRONSKE VIJESTI

Septembar 2017

Poštovani,

U ovomjesečnom broju elektronskog biltena Vam donosimo novosti objavljene na web stranici Vanjskotrgovinske komore Bosne i Hercegovine, listu otvorenih poziva/tendera, nove ponude preduzeća iz inostranstva, novosti partnera konzorcija EEN FBiH, kalendar događaja poslovnog povezivanja kao i aktuelne informacije iz EU iz različitih oblasti.

Novosti Vanjskotrgovinske komore BiH:

[Poziv za učešće na poslovnim susretima "REENERGY BROKERAGE EVENT RENEXPO BIH 2017"](#)



Evropska preduzetnička mreža u Federaciji Bosni i Hercegovine- Vanjskotrgovinska/Spoljnotrgovinska komora Bosne i Hercegovine i REECO d.o.o. pozivaju privredne subjekte i druge zainteresirane iz Bosne i Hercegovine da učestvuju na međunarodnim poslovnim susretima pod nazivom "REENERGY BROKERAGE EVENT RENEXPO BIH 2017".

Poslovni susreti će se održati **09. novembra 2017. godine u Sarajevu, u okviru 4. međunarodnog sajma i konferencije za obnovljive izvore energije i energetske efikasnost, zaštitu okoline i upravljanje vodama.**

RENEXPO® BiH Sajem je najznačajniji sajam u oblasti obnovljivih izvora energije, energetske efikasnosti, zaštite okoliša i upravljanja vodama na teritoriji Zapadnog Balkana.

[Poziv za učešće na Međunarodnoj konferenciji o regionalnom tržištu, razvoju statistike i mogućnostima investiranja](#)



Vanjskotrgovinska/Spoljnotrgovinska komora Bosne i Hercegovine, Savez nevladinih organizacija Horizont 2024, Agencija za statistiku Bosne i Hercegovine, Agencija za unapređenje stranih investicija u Bosni i Hercegovini i drugi partneri iz regije (Srbija, Hrvatska, Crna Gora, Turska) i EU, organiziraju Međunarodnu konferenciju o regionalnom tržištu, razvoju statistike i mogućnostima investiranja, **koja će se održati od 06. – 08. novembra 2017. godine u Sarajevu.**

Ovo je jedna od najznačajnijih konferencija u regiji koja podržava saradnju vladinih institucija, međunarodnih organizacija, poslovnog sektora, akademske zajednice i nevladinih organizacija sa namjerom stvaranja boljeg poslovnog okruženja, razvoja tržišta i konkurentnosti, kao i zajedničkog planiranja i realizacije regionalnih projekata. Konferencija afirmira mogućnosti regionalnog investiranja, promovira značaj statistike, informacionih tehnologija i razvoja u oblastima industrije, tržišta kapitala, rada, poljopivrede, energije i turizma.

Na konferenciji će biti predstavljeni odabrani projekti i istraživački radovi iz ekonomsko-socijalnih oblasti, kao i izložene mogućnosti zajedničkog učešća kompanija iz regije na međunarodnom tržištu.

[Konferencija partnera u Evropskoj poduzetničkoj mreži iz Jugoistočne Evrope](#)



Predstavnici Evropske preduzetničke mreže u Federaciji Bosne i Hercegovine učestvuju na konferenciji “South East Europe Regional Conference”, koja se održava od 28.-30. septembra 2017. godine u Portorožu (Republika Slovenija).

U okviru konferencije, prema programu, bit će predstavljeni rezultati i dostignuća u EEN mreži, dok će se na panel diskusijama razgovarati, između ostalog, o najboljim praksama, iskustvima u MSP i pozitivnim iskustvima pružanja pomoći pri apliciranju za sredstva EU fondova.

Na konferenciji učestvuju predstavnici svih konzorcijuma, i to Bosne i Hercegovine, Hrvatske, Crne Gore, Makedonije, Srbije i Slovenije, te predstavnici Evropske komisije (EK) i Izvršne agencije za mala i srednja poduzeća (EASME)

[Poziv za učešće na sajmu PINOTEX 2017](#)



Vanjskotrgovinska/Spoljnotrgovinska komora Bosne i Hercegovine obaviještena je da će se 5. međunarodni sajam inovacija i tehnologije PINOTEX 2017 održati u periodu 11.-15. novembra 2017. godine u gradu Tabrizu (Islamska Republika Iran).

Učešće na ovom sajmu je prilika za učesnike da se, osim upoznavanja sa dostignućima Islamske Republike Iran u oblasti inovacija i tehnologije, posredstvom međunarodnih učesnika na sajmu informišu i o najnovijim kretanjima u ovoj oblasti na svjetskom nivou.

Novosti partnera Konzorcija EEN FBiH

[SERDA : Sarajevska regionalna razvojna agencija: Poziv na 6. međunarodni poslovni susret "Match4Industry"](#)



Evropska poduzetnička mreža u FBiH i Sarajevska regionalna razvojna agencija SERDA pozivaju firme da učestvuju na 6.međunarodnom poslovnom susretu "Match4Industry" koji će se održati 2. i 3. novembra 2017.god. naSajmu industrije i tehnologije „SANTEK“, Kočaeli, Turska. Poslovni susret „Match4Industry“ organizirat će ABİGEM Istočna Marmara i Trgovinsko-industrijska komora Kočaeli u saradnji sa Privrednom komorom Luksemburga, Sarajevskom regionalnom razvojnom agencijom SERDA i mnogim drugim organizacijama za podršku biznisu iz Evrope, Turske i šire. Organizovanje ovih poslovnih susreta implementira se kao dio aktivnosti Evropske poduzetničke mreže, najveće svjetske mreže za podršku firmama u oblasti međunarodne saradnje.

[SERDA: Sarajevska regionalna razvojna agencija: Osam evropskih zemalja zajedno na putu prema odgovornom istraživanju i inovacijama](#)

Sarajevska regionalna razvojna agencija SERDA partner je na projektu „Dunavski okvir za odgovorno istraživanje i inovacije korištenjem socio-tehničkih integracija“ – D-STIR, koji ima za cilj da razvije koordinirane politike i aktivnosti u programskom području i da radi prema Evropskoj strategiji 2020, koja uključuje tri dimenzije: pametan, održiv i uključiv rast.D-STIR projekat je također važan, jer uzima u obzir socio-ekonomski uticaj inovacija i ovaj projekt promoviše društveno-tehničko integrisano istraživanje, kao metodu istraživanja. Imajući u vidu da je Evropska komisija odlučna da premosti jaz između naučne zajednice i društva u cjelini., D-STIR projekat ima za cilj da poveže tehničke stručnjake s humanistima kako bi društveni i poslovni potencijal bio maksimalno iskorišten, odnosno provedbu odgovornog istraživanja i inovacija (RRI). U Evropskoj uniji RRI je definisan u formalnoj agendi iz 2011. godine.

15 partnera iz 8 evropskih zemalja (Rumunija, Slovačka, Mađarska, Slovenija, Češka, Njemačka, Hrvatska i Bosna i Hercegovina) započeli su implementaciju D-STIR projekta u januaru 2017. godine, koji će trajati do 30. juna 2019. godine. Partnerstvo vodi Jugoistočna regionalna razvojna agencija iz Rumunije.

D-STIR projekat je odobren u okviru Interreg Dunavskog transnacionalnog programa, koji je finansiran od strane Evropskog regionalnog razvojnog fonda (ERDF), Instrumenta za predpristupnu pomoć (IPA) i Instrumenta evropskog susjedstva (ENI). Ukupna vrijednost projekta je oko 2 miliona eura.

[Razvojna agencija Unsko-sanskog kantona : Održana konferencija i projektni sastanak u sklopu projekta RENEW HEAT](#)



Renew Heat- „Zajednice koje se griju na obnovljiv izvor energije“ je zajednički projekat čiji partneri su Grad Cazin, Karlovačka županija, Regionalna energetska agencija Sjeverozapadne Hrvatske i Razvojna agencija Unsko-sanskog kantona.

Projekat je vrijedan 223.459,34 eura od čega Grad Cazin sufinansira iznos od 33.518,91 Eura ili 15%, dok se ostatak finansira sredstvima Evropske unije u iznosu od 189.940,43 Eura ili 85%. U okviru ovog projekta planirano je da se u Gradu Cazinu opremi objekat Sportske dvorane sa sistemom za grijanje na biomasu dok bi se u Kulturnom centru kotao za grijanje, koji koristi lož ulje, zamjenio kotlom za grijanje na biomasu.

[Razvojna agencija Unsko-sanskog kantona: CroEnergy2017: Mijenja se svijest o energetskej učinkovitosti](#)



Četvrti Croenergy 2017 – konferencija u organizaciji Regionalne energetske agencije (REGEA) na temu pokretanja i osiguranja financiranja projekata energetske obnove i energetske učinkovitosti – počeo je danas u sjedištu Regee, energetske obnovljenom zagorskom dvorcu Bračak, na kojoj su prisustvovali i predstavnici Razvojne Agencije Unsko-sanskog kantona.

Počev od 2016.g. sa Regionalnom energetskom agencijom Sjeverozapadne Hrvatske, Razvojna agencija USK implementira dva projekta iz oblasti energetske efikasnosti, i to NEW FINANCE i RENEW HEAT.

[Razvojna agencija Unsko-sanskog Kantona: Razvojna agencija USK-a će predstaviti aktualne projekte na 15 Međunarodnom sajmu EKOBIS](#)



Od četvrtka 14.09. pa do subote 16.09. prezentaciju aktivnosti Razvojne agencije USK-a možete pronaći na 15. Međunarodnom sajmu ekologije EKOBIS 2017. gdje ćemo posjetiocima predstaviti aktualne projekte.

Lokacija štanda Razvojne agencije USK-a je Hala B, štand 6.

U sklopu Ekobis sajma, 15.09. će biti održan Okrugli sto, u organizaciji Unije studenata i Univerziteta u Bihaću. Konferenciji će prisustvovati ispred Razvojne Agencije USK, direktor Samir Jodanović.

[AGENCIJA ZEDA PREDSTAVILA „EU PROGRAMI, FONDOVI I PROJEKTI KAO PODRŠKA RASTA KONKURENTNOSTI MALIH I SREDNJIH PREDUZEĆA“-INFO DAN/COSME](#)



Zenička razvojna agencija ZEDA i Udruženje poslodavaca Zenica u saradnji s Vanjskotrgovinskom komorom Bosne i Hercegovine-VTKBiH i USAID Harnessing BiH-diaspora for economic development activity, organizovali događaj INFO DAN „EU programi, fondovi i projekti kao podrška rasta konkurentnosti malih i srednjih preduzeća“. Na ovom događaju predstavljen je COSME program, fondovi dostupni Bosni i Hercegovini i Evropska preduzetnička mreža-EEN (Enterprise Europe Network). Također, predstavljeni su i USAID – grantovi i tehnička pomoć za privrednike.

[ZEDA : Zenička Razvojna agencija ; Predstavljanje projekta Greencup na VI savjetovanju o energetici u BiH sa međunarodnim učešćem](#)



U periodu od 28. do 29. septembra tekuće godine u Neumu će se održati VI Savjetovanje o energetici u BiH sa međunarodnim učešćem. Na Savjetovanju se očekuju: predstavnici ministarstava i institucija nadležnih za energetska efikasnost i obnovljive izvore energije, predstavnici međunarodnih i domaćih organizacija koje realizuju projekte iz oblasti energetske efikasnosti i obnovljivih izvora energije, stručnjaci i manageri iz energetskih organizacija, industrije, zgradarstva i transporta, naučnih i finansijskih institucija, predstavnici lokalnih organizacija, investitori u projekte EE i OIE te predstavnici NVO.

[ZEDA: Zenička Razvojna agencija: Procjena fotonaponskih sistema \(PV\)/GREENCAP](#)



U okviru svojih aktivnosti i u skladu s ulogom u projektu GREENCAP (o kojem više možete pročitati na linku <http://www.interreg-danube.eu/>) Agencija ZEDA će u narednom periodu zajedno sa implementatorom projekta i partnerima, putem svoje stranice i baze podataka (mailom) plasirati i dijeliti informacije iz oblasti energetske efikasnosti i obnovljivih izvora energije.

Sve ove aktivnosti realizuju se u cilju podizanja svijesti, proširenja nivoa znanja o ulozi i značaju uštede energije, smanjenja CO2 i korištenja obnovljivih izvora energije.

Projekat GREENCAP ima za cilj stvoriti vezu i izgraditi zajednicu između MED zajednice obnovljive energije. Također, jedan od ciljeva ovog projekta je i širenje rezultata integrisanih modularnih projekata na cijelom području mediteranske regije, s posebnim akcentom na ruralna područja i otoke.

[ZEDA : Zenička Razvojna Agencija: ZEDA uzela učešće na drugom sastanku konzorcija projekta Forseda /Šopron](#)



Zenička razvojna Agencija ZEDA je kao član konzorcijuma organizacija iz EU i IPA zemalja otpočela sa implementacijom projekta FORESDA – Podrška inovacijama i konkurentnosti međusektorskih lanaca vrijednosti baziranih na šumarstvu/drvoprerađi u januaru 2017. godine.

Napominjemo: Projekat implementira 13 partnera i 7 pridruženih strateških partnera na području devet podunavskih zemalja: Austrija, BiH (ZEDA, PREDa), Bugarska, Mađarska, Njemačka, Rumunija, Slovenija, Srbija i Hrvatska.

[ZEDA: Zenička Razvojna Agencija : PRVI ECOMMERCE EVENT ODRŽAN U PROSTORIJAMA AGENCIJE ZEDA – ENTIRE eCommerce ZENICA 2017](#)



U prostorijama Impulsnog kreativnog centra Agencije ZEDA održan je prvi ecommerce event pod nazivom ENTIRE eCommerce ZENICA 2017. Ovaj događaj su organizovali naš ZeForge Community u saradnji s Commerce Care agencijom koja je glavni finansijer cijelog događaja uz našu snažnu podršku.

Događaj je ugostio preko 90 članova iz cijele Bosne i Hercegovine i susjedne Hrvatske koje je zanimala tema web trgovina, koje su to karakteristike koje krasi to tržište u okruženju i šta je sve bitno znati ukoliko planirate otvoriti web trgovinu.

[ZEDA: Zenička Razvojna Agencija: Energetska tranzicija i promjena ponašanja u ruralnim područjima/GREENCAP](#)



U okviru svojih aktivnosti i u skladu s ulogom u projektu GREENCAP (o kojem više možete pročitati na linku <http://www.interreg-danube.eu/>) Agencija ZEDA će u narednom periodu zajedno sa implementatorom projekta i partnerima, putem svoje stranice i baze podataka (mailom) plasirati i dijeliti informacije iz oblasti energetske efikasnosti i obnovljivih izvora energije. Sve ove aktivnosti realizuju se u cilju podizanja svijesti, proširenja nivoa znanja o ulozi i značaju uštede energije, smanjenja CO2 i korištenja obnovljivih izvora energije. Projekat GREENCAP ima za cilj stvoriti vezu i izgraditi zajednicu između MED zajednice obnovljive energije. Također, jedan od ciljeva ovog projekta je i širenje rezultata integrisanih modularnih projekata na cijelom području mediteranske regije, s posebnim akcentom na ruralna područja i otoke.

Poslovne ponude septembar 2017

http://komorabih.ba/wp-content/uploads/2013/06/2017-09-21-Poslovne-ponude-za-septembar-2017-21.09.2017_-4-003.pdf

(klikom na pojedini link možete pronaći odabrane ponude su iz Baze poslovne saradnje EEN mreže po kriterijima koji su prilagođeni proizvođačima i onim davaocima usluga iz Bosne i Hercegovine koji su izvozno opredjeljeni, tj. daje se prednost onim ponudama iz inostranstva koje bi u slučaju realizacije povećale izvoz roba i usluga iz Bosne i Hercegovine)

Tehnološke ponude septembar 2017

<http://komorabih.ba/wp-content/uploads/2013/06/2017-09-21-Tehnoloske-ponude-za-septembar-2017.-002-002.pdf>

(klikom na pojedini link možete pronaći odabrane ponude iz Baze tehnološke saradnje EEN.)

Istraživačke ponude septembar 2017

<http://komorabih.ba/wp-content/uploads/2017/07/2017-09-21-Istrazivacke-ponude-za-septembar-2017.-002-8.pdf>

(klikom na pojedini link možete pronaći odabrane ponude iz Baze istraživačke saradnje EEN.)

Otvoreni pozivi i tenderi

HORIZON 2020

”**HORIZON 2020**” je do sada najveći program EU namijenjen istraživanju i inovacijama sa budžetom od 79,4 milijardi eura za period od 7 godina, odnosno od 2014. do 2020. godine. Program ima za cilj potaknuti ekonomski rast i otvoriti nova radna mjesta u Evropskoj uniji. ”**HORIZON 2020**” objedinjuje istraživanje i inovacije i djeluje u tri prioriteta – ”Vrhunska nauka”, ”Industrijsko vodstvo” i ”Društveni izazovi”. Za prvi prioritet namijenjeno je 24,4 milijarde eura, za drugi 17 milijardi eura, a za treći 29,7 milijardi eura. Subjekti kojima je namijenjen ovaj program su akademski sektor, državnim organizacijama, privredi, srednjim i malim preduzećima, udruženjima, nevladinim organizacijama itd. Bosna i Hercegovina je korisnik programa **HORIZON 2020**.

HORIZON 2020: (Excellent Science -Vrhunska nauka)
(Industrial Leadership - Industrijsko vodstvo)
(Societal Challenges - Društveni izazovi)

<http://ec.europa.eu/research/participants/portal/desktop/en/opportunities/h2020/index.html>

(Klikom na pojedine pozive, dobićete sve informacije koji se odnose na konkretni poziv: opis poziva, ukupan budžet, rokovi, kompletnu projektnu dokumentaciju, itd.)

Radni program (2016-2017)

http://ec.europa.eu/research/participants/portal/desktop/en/funding/reference_docs.html#h2020-work-programmes-2016-17

(Klikom na pojedine pozive, dobićete sve informacije koji se odnose na konkretni poziv: opis poziva, ukupan budžet, rokovi, kompletnu projektnu dokumentaciju, itd.)

Otvoreni pozivi u okviru ” Horizon 2020 ” za mala i srednja preduzeća

<https://ec.europa.eu/easme/en/horizons-2020-sme-instrument#2016-2017>

(Klikom na pojedine pozive, dobićete sve informacije koji se odnose na konkretni poziv: opis poziva, ukupan budžet, rokovi, kompletnu projektnu dokumentaciju, itd.)

COSME

Program **COSME** je novi program namijenjen prvenstveno malim i srednjim preduzećima (MSP) za jačanje njihove konkurentnosti na jedinstvenom tržištu Evropske unije. Program ima budžet od 2,3 milijardi eura i otvoren je za period 2014-2020. godine zajedno sa programom **HORIZON 2020** . Program je pored MSP-a namijenjen regionalnim i lokalnim organizacijama, te institucijama institucije koje djeluju u svrhu podsticanja, promocije ili davanje podrške preduzetništvu. Cilj programa je da smanji administrativne i regulatorne poteškoće sa kojima se susreću MSP-ovi i to kreiranjem povoljnijeg okruženja za preduzeća. Bosni i Hercegovini će ovaj program biti dostupan od 2017 godine.

COS-CLUSINT-2017-03-6: Clusters Go International in the defence and security sector

<https://ec.europa.eu/easme/en/cos-clusint-2017-03-6-clusters-go-international-defence-and-security-sector>

Rok za prijavu: 13/12/2017

COS-LINKPP-2017-2-02: Innovation procurement broker: creating links for the facilitation of public procurement of innovation

<https://ec.europa.eu/easme/en/cos-linkpp-2017-2-02-innovation-procurement-broker-creating-links-facilitation-public-procurement>

Rok za prijavu: 21/11/2017

COST

Program **COST** posebno je okrenut onim područjima istraživanja gdje zajedničke akcije mogu donijeti i korist zemljama učesnicama. Dok su naglasci u vrijeme osnivanja bili na području telekomunikacija, informatike, transporta, materijala, okeanografije, meteorologije i okoliša, sve više današnjih inicijativa okreće se društvenim naukama, hemiji, medicinskim istraživanjima i šumarstvu.

http://www.cost.eu/participate/open_call

Rok za prijavu: 25/04/2018

EUREKA

EUREKA je evropska mreža za finansiranje tržišno orijentiranih projekata iz različitih tehničkih oblasti. Pokrenuta je 1985.godine od strane 17 zemalja članica iz Zapadne Evrope, danas ima 38 punopravnih članica. EUREKA pomaže izgradnju partnerstva kroz zajedničke multilateralne projekte s ciljem jačanja evropske konkurentnosti. Program je namijenjen istraživačkim institucijama i firmama, spremnim da zajedničkim ulaganjima u određenim programskim oblastima zajedno razvijaju nova tehnološka rješenja i proizvode. Na projektu moraju sudjelovati najmanje dva partnera iz dvije različite države. Od 2009-te godine Bosna i Hercegovina je punopravna članica programa EUREKA.

<http://www.eurekanetwork.org/content/eureka-network-projects>

Rok za prijavu: Poziv je otvoren tokom čitave godine.

KREATIVNA EVROPA

KREATIVNA EVROPA je novi program Evropske unije za podršku evropskoj kinematografiji, te kulturnom i kreativnom sektoru s ciljem njihovog doprinosa održivom rastu i zapošljavanju. Program je namijenjen za davanje podrške očuvanju i promovisanju evropske kulturne i jezičke raznolikosti, te davanju podrške jačanju konkurentnosti sektora, čime će se doprinijeti ostvarivanju ciljeva EU2020 strategije. Kako se navodi na zvaničnoj stranici Evropske komisije https://ec.europa.eu/programmes/creative-europe/calls_en i evropskih fondova (europski-fondovi.eu), program Kreativna Evropa otvoren je za zemlje članice EU, zemlje članice EFTA-e, države pristupnice, zemlje kandidate i potencijalne kandidate Evropske unije, te za zemlje obuhvaćene politikom prema susjednim zemljama. Bosna i Hercegovina je u programu Kreativna Evropa od 2014-te godine.

European Capital of Culture:

https://ec.europa.eu/culture/calls/2014-eac-14_en

Media :

https://eacea.ec.europa.eu/creative-europe/actions/media_en

Distribution :

https://eacea.ec.europa.eu/creative-europe/actions/media/distribution_en

Distribution- Support to sales agents:

https://eacea.ec.europa.eu/creative-europe/funding/distribution-support-sales-agents-2016_en

Rok za prijavu: 03/10/2017

ERASMUS+

ERASMUS + je novi program Evropske unije za obrazovanje, obuku, mlade i sport za period 2014. – 2020. godine. Program Erasmus+ obuhvata sve evropske i međunarodne programe, mreže, platforme i inicijative EU u području obrazovanja, obuke, mladih i sporta¹. Namijenjen je učenicima, studentima, nastavnom i nenastavnom osoblju na svim nivoima obrazovanja, mladima između 13 i 30 godina, pojedincima, osoblju i članovima organizacijama koje rade sa mladima: sportskim radnicima, volonterima i sportistima.

Nema trenutno otvorenih poziva

[Kalendar događaja poslovnog povezivanja](#)

[Vijesti iz Evropske unije po željenim oblastima](#)

Evropska preduzetnička mreža u Federaciji Bosne i Hercegovine

een.ec.europa.eu



[Vanjskotrgovinska komora Bosne i Hercegovine](#)